

Awe, 20 di juni di 1992, ta cumpli 30 anja morto Juan Enrique Irausquin, un verdadero patriota y e homber mas grandi naci na Aruba.

Entre e servicionan na su Aruba stima -caminda el a nace dia 3 di december di 1904- nos ta hanja esunnan den e campo social, economico y politico. Irausquin tabata un parlamentario y estadista brillante, promotor di nos turismo cu ta e base di e riqueza di nos pais.

Fundador di Partido Patriotico Arubano (P.P.A.), Juancho tabatatin hendenan cualifica rond di dje.

P.P.A. fuera di a crea turismo -un di nos principal fuenteñan di riqueza- a introduci e leyman social mas avanza pa nos trahadornan. Pensioen di vejez, di viuda y di huerfano. Modernizacion di e planta di awa y electricidad WEB, scolnan, hospital, cayanan, cas pa trahadornan



Juancho Irausquin inaugurando Aruba Caribbean Hotel, e prome hotel di Aruba.

nos moderno aeropuerto Reina Beatrix, nos bibliotecanan y hopi otro obras mas.

Pa su obranan extraordinario, Juan Enrique Irausquin a wordu condecora pa Reina Juliana cu e Orde van Oranje Nassau. Na Aruba y en general den Antillas Hulandes tin monumentonan, plazanan, aeropuerto, cayanan cu ta hiba su nomber y hasta nan a saca stampillanan cu su imagen.

Awer, cu motivo di ta recorda su 30 anja morto e caya caminda tin e hotelnan y beachnan di Aruba, desde Tamarijn te na Holiday ta bai jama

Juan Enrique Irausquin Boulevard.

Partido Patriotico Arubano ta invita e pueblo di Aruba pa celebra e gran acontecimiento aki proximamente!



PARTIDO PATRIOTICO ARUBANO
Aruba ariba y padilanti